



谷響集



貞壽堂

元

釋

善住



翼、貞壽堂肅、賢者居堂上鶴髮母電裳而霞  
裾貞節四十年壽今八袞餘斯堂得嘉名請試陳  
厥初母也。是氏吳番有先人廬良人溘先露生計  
亦淪胥誓言賦栢舟那復咏關雎志存楊氏祀靡  
暇卹其諸大兒甫六暮小纔五月且辛勤立門戶  
寤寐課詩書蘄然見頭角藉甚多名譽伯為巴大

夫仲隨李輕車綵衣日就養樹護滿庭除兄弟進  
甘旨夫人御板輿令德兼壽考此樂復何如瞻彼  
堂之陰嘉樹鬱扶踈上有雙鳳雛和鳴自紆徐爵  
位日以高祿養日以舒主封有令典厚積待吹噓  
煌煌太史筆照暎百車渠桓楹俯流水過者式其  
問

和感寓并雜詩

悲風抃黃赤髮含依楫棘歲歎兒苦飢家貧

憲秉機杼卒歲不成疋里脊夜踟門叫怒催絰

織蹇

晚歸田畊不如仲力一飯愧其人安敢自

皇息

胡鴈乘翔風矯

匪羽翼江南稻梁地異彼陰山

北所憂弋者篡繒繳在尋尺奈何隨陽侶自剪排  
風翻豈知絳羅罔復思膏鼎本不飛冥冥于今  
悔何益

有虞昔南狩死葬蒼梧山帝子泣幽怨至今竹斑  
斑重華骨已朽淳朴何時還我欲往從之洞庭汨  
孱顏夢寐真靈瑣懷椒候其間安得御風去揮手

謝人褰

美利在於人，翕張隨所如。上焉有好者，天下將同趨。宣尼常罕言，防源知在初。魏營問利國，孟子亦回車。沛公曰：舍夫蕭何刀筆，胥提劍入咸陽，僅收其圖書，謀生誠止足。制用自可餘，橫流竟返莫。舉世無寧居。

西山一何高，草樹鬱搏。仙靈此焉宅，尚有秦遺民。我欲躡丹梯，引手捫青天。高迴無極欲，上嗟無因。今天若可上，世上那有久。

喬木豈無枝，高山亦有岑。嚶鳴尚求友，我獨無知音。沉歎和氏璧，掩抑嵇生琴。誰令抱奇蘊，惻多苦心。

題歸去來圖

奮身報韓仇，決策扶漢鼎。有懷千載上，慷慨心獨領。家貧值時變，樂道事幽屏。賦詩聊自娛，去縣不待請。高風振六合，名與日月並。朗詠歸去篇，猶疑見煙艇。

題滄浪醉眠圖

汙：此河水：渾不見底水渾猶自可水深將沒  
汝舟楫無根柢風波無時休不如高堂上飲酒可  
忘憂

賦槐市送人之越

日出槐市東送客槐市西橋邊綵舟簇城上夜烏  
啼葉密春雲合花黃秋雨迷賦詩譽嘉對長憶若  
耶溪

雨

密雲遂崇朝飛雨灑高閣蕭瑟傍松檐委迤帶煙  
部坐來池水深吟罷林花落已知禾黍秋不奈衣  
裳薄

題分金墩次唐元微之韻

吾慕管與鮑結交忘賤貧惜哉以君霸功烈猶陪  
臣分金念其賢多取詎妨真凡今交游者願以此  
義陳弔古訪遺迹岑丘委荒榛躊躇不能去佇立  
望夫人

七夕

七夕已復至徂暑適云消候蟲依砌響梧桐帶露

飄雙呈限河漢孤月麗曾霄歛吸仰靈氣徘徊望  
斗杓獨嗟天路永空悲清夜遙南飛有烏鵲惆悵  
不成橋

述古道雪齋

黃岡有雪堂西湖有雪齋勝選不在雪其人賢且  
佳蘇公天下士與世寡所諧愛此林下趣呂題自  
吾儕風流吾家述好古獨興懷南游得成印况與  
秦文偕神交契冥漠尚友遺形骸積雪遍大野流  
水鳴空階湛妙信可樂勿媿食無鮭

樗軒

彼樗實散木三年踰十尋形質雖偃蹇柯葉自蕭  
森物生各有適小大在所任敢期當世用聊致東  
溪陰清風樹下至和我丘中琴羣鳥亦萃止懷人  
遺好音各遂天地性庶當君子心培根在封植種  
德務華深逍遙樂其下永願辭朝簪

荷花詠

彼澤有嘉植淤泥擢朱華宛在水中央塵土無由  
加秀色一何麗幽氣靜以遐羣魚戲其下游蜂亦

來過而愛君子心獨立終匪它我欲集為裳佩之  
以揭車臨波託文鯨遺彼帝子家采蓮者誰子日  
莫談清歌長路且迫使我一咨嗟

易安軒

豐屋雖萬間所托在尋尺南窓絕低小亦足容我  
膝知止庶不殆適性聊自佚邈哉古之人瞻彼江  
上宅素麻被墟曲榆柳蔭溝衍有子學書史有田  
藝黍稷於焉悅親戚且以御賓客燕通侯居榮  
觀巨阡陌持盈諒弗戒百鬼瞰其室永懷粟里翁  
曠達有清識欣賞方在茲庶用警晨夕

黃葵

庭樹鶉鴉鳴衆芳迹如掃愛此承露杯揚英向晴  
昊黃中本通理靜退合天道所懷秉明德非獨顏  
色好陶潛愛佳菊歸去苦不蚤三徑已就荒壺觴  
亦傾倒邈哉千載上異代同襟抱攬彼草木微於  
焉托幽討

送沈行恕

挾策事行邁言往五湖濱陰風結山岳落葉滿河

津之子忽已遠我懷將焉陳志士惜白日行客念  
蕭晨况茲艱難際奪我心所親中情苟不移在遠  
猶比隣毋為離別苦庶以道自珍

送心覺原之天台

煌煌西方教神化敷四海自從永平來東漸已千  
載玄風被遐邇佛日垂光彩法運雖中微亢龍終  
靡悔豈惟其數然無乃彼相罪諸公極扶持戮力  
淨氛靄百足信不僵淳興如有待維君富才藝嗜  
道甚飢餒感激赴前途力行知匪殆丹丘鬱嵒  
白石何磊磊山川亦良是塔廟今猶在世道苦翻  
覆主維藉玄宰欲對大法幢當著忍辱鎧吾教得  
璉嵩禪林有元凱君名日已起我髮行當改安得  
賦遠遊相從拾蘭茝

水仙詠

百草秋盡死孤花麗巖阿芳心太皎潔歲事成蹉  
跎微月步遙夜輕風生素波懷人豈無意路遠欲  
如何

純煦軒



出日何杲，照我床上書陽和。被萬物豈惟在吾  
廬。夜氣資息養，天光發靈虛。蚤起當匪懈，願言慎  
其初。

蘭雪齋

階前春雪埋階下，幽蘭生蘭芳。雪正消流生循除，  
鳴馨香既飄。越月露浩已盈，長想讀書處。散帙有  
餘清。

邨居圖

東村有隱者，素髮颯垂領。几上種樹書，門前釣魚  
艇。抗袵風露深，葭莢天水永。雲飛洞庭小，花落春  
戶靜。懷哉古逸民，披圖發孤咏。

漁隱

青山當船頭，流水在船下。披襟獨揮車，鷗鷺與同  
社。我本避世人，初非漁釣者。得魚亦不賣，有酒聊  
自寫。百年如過鳥，萬物猶一馬。與世久相忘，胡為  
不予舍。

仙山圖

夫容插青天，近可倚杵樓。觀栖曾厓，日月出其

下地無凡草木人是靈仙侶蒼龍守重関皓鶴戲  
玄渚瑤林何蕭森瑤草亦蕃廡天人道固殊彤璽  
自今古卑高雖遠絕臨制足官府吾聞崑崙顛其  
上有縣圃此圖無乃是茲理詎無取

### 松石室

松生厓石間其勢不兩大松根與石鬪摩軋簇竒  
恠文章世所驚風氣日以壞推剝斤斧餘俱傷而  
並敗情文困追琢至道在稊稗上人禪者流獨往  
脱天械燕坐一室中心游大千界松風與石瀨蕭  
瑟雜滂湃物我澹相忘靈虛絕纖介瞻彼五髻峰  
峭拔出天外長松將秀石出入妨去而隘日與二  
者俱消搖一何快逝將從君遊吾衰怯行邁

### 漉酒圖

棄官賦歸來田家酒初熟脱我頭上巾漉此杯中  
綠獨漉復獨漉、多酒還濁酒濁猶自可世濁多  
返覆素枯柳亦衰但有松與菊田父晚相過相與  
話墟曲共醉茅簷下此生亦以足

### 靜寄軒

深居一室靜獨坐羣動息涉世諒無營照空欣有  
得風吹松上雨花落澗底石當期永日間共此喧  
中寂

心覺原宜晚軒

青山故多情尉我齒髮莫愛此泉上軒深諧靜中  
趣孤雲赴遠壑落日在高樹牛羊下來盡鳥雀歸  
飛屢境勝欣有得形忘澹無慮消搖步前楹曠望  
一延注懷哉未歸客微徑草多露

蕃王禮佛圖

維西列萬國有土此有人孰是無繼立而能治其  
民佛化大無外萬有入彌綸衣冠雜誕猶莫不悉  
來賓東方九州地文治亦相因豈知五經表各自  
叙彛倫斤鷄譏南運舜英疑大椿擴克固有道一  
視歸同仁

送方禪者

巖、秦餘抗天作何大壯孤峰有蘭若巖絕厓石  
上去天纔一握陟險仍萬狀雲霞或相依猿鳥不  
敢傍天華落幽戶松吹飄梵放上人禪家流勇往

志所尚加趺縛禪寂斗數謝塵埃境靜道易親理  
得形自喪繙經悟空假繕性了真妄拂衣入煙蘿  
飛屩度曾嶂徒令世上人矯首一長望

湯時中寄樵

英之湘中彥寄迹吳山樵山深土泉美厥植多喬  
夭逝將樂嘉遯詎欲肩翳莛冰雪歲云莫荃蘅化  
為蕭詩書道林藪採獲日以饒逍遙杏壇上絃誦  
自朝之春風曾點瑟秋水許由瓢幸遂立壑志不  
受弓旌招

玉鶴焚香

白玉刻為鶴之背可焚蘭朱火若螢聚青煙隨燼  
殘孚尹自旁達氤氳相控揣如聞九皋唳翻勝博  
山安娛客白日晚奉君清夜闌誰將別鵠操和我  
廣陵散

耕雲軒

呼龍耕白雲開畦種瑤草一犁春雨足萬頃晴苗  
好伊人靜者徒中歲頗好道神仙遺服食採掇事  
烹擣色如青精飯大比安期棗食之生羽翰後天

而終老

李氏慈竹軒

慈竹生堂階下有護草花、竹美相映親年樂無  
涯秀色上春服清陰延蕭齋馴鳥飛渺、鳴鳳聲  
喑、微風度瑤瑟密筍供瓊鮭霜根隨地長令德  
與年偕此物良足貴君家誠可懷

送僧歸日東

碧海蓬萊外扶桑日本東居然成絕域久矣染華  
風王化能柔遠遐琛亦會同佛書龍藏古梵夾象  
胥通問道來飛錫浮生若轉蓬中朝師法在厚往  
聖恩隆歸羨翩、鶴吟瞻肅、鴻片帆唯就日  
萬里若游空洗盃鮫人室焚香海若宮將迎煩國  
主感歎聚隣翁告別行何遽題詩媿未工縣知音  
信絕徒望海霞紅

題老馬圖

老棄東郊道空思冀北羣蕭條千里足錯莫五花  
文首蒼秋風遠靡蕪落日曛太平無一事愁殺故  
將軍

題周景遠破山寺詩卷

整輟詞垣重南來收遠黎風流半刺史雅澹五言  
詩柿葉霜中寺梅花雪後池自公多暇日題贈付  
湯師

病起薔薇盛開

薔薇好顏色結架傍琴臺微雨夜來過今朝花盡  
開祇應深待我也復可憐才且以永今日獨咏亦  
悠哉

送韋道寧

閩粵無諸國東連瘴海濱去從持斧客聊慰倚門  
人夜宿枕椰雨朝行躑躅春知君清節苦莫厭度  
郎貧

送張彥冲之京

天上青冥濶君門白日開侍臣班馬賦經術董劉  
才仙館徵賢入公車待詔來媿無青玉案送尔黃  
金臺

送劉尹大本

縣道臨湖口人才得外金江流思擊楫山雨坐鳴

琴尔父能為政吳人誦至今非君美無度何以嗣  
徽音

送錢掾之浙間

元帥敦詩禮東曹得俊良何愁鳶跼已息陳堂  
堂借箸無遺策飛文動四方度公情更好應共據  
胡床

題黃子久山水

黃公東海客能畫逼荆關意盡崎嶇外精深溟滓  
間援啼明月峽木落浩疊山谷口蘿煙暝騎鱷獨  
未還

題蔣子厚竹居

緣溪竹陣齊中有草堂低對酒碧雲合懷人幽鳥  
啼筍添門屢改葉密徑都迷亦有羊求輩時來共  
杖藜

和薛生早秋見寄

雨洗秋容澹江含霧氣深候蟲依井徑歸燕拂檐  
陰度信江南賦靈均澤畔吟正愁聞古調諷誦重  
兼金

涼風起蘋末落葉洒衣裳物色悲行客乾坤入戰場  
叅軍髯尚短太尉足何香忽聽吟梁甫懷人意  
甚長

楊花咏

飛、辭古柳冉、媚晴空愛尔白於雪况乎兼以  
風遊絲相上下戲蝶或西東終然太輕薄飄轉委  
泥中

龍興白雲禪師挽詞用綦秘書韻

振錫朝天去歸來獨掩扉翰林曾頌橘刺史亦留  
衣行道空陳迹遺言可表微重來法雲地猶想雨

華飛

蟲網繡經室苔侵影塔扉坐空塵點劫拂斷六銖  
衣蜀道關山迴支公緒業微祇應湖上月長見白  
雲飛

慧日無夢禪師挽詞

先世勲名舊逃禪德業稱弟兄雙白壁風雨一青  
燈樓閣華雲結虛空塔影層才慚甘露滅曾許傳  
高僧



永定茂仲實挽詞

吾道何衰甚斯人亦已焉  
永懷流水奏空把白雲  
篇春樹間齋靜秋風瘦影懸  
平生數行淚併落莫  
燈前

海印橫經地相承得俊才  
天華間自落講帙病猶  
開生死人間世虛空劫外臺  
願車應載轄頭白待  
歸來

平嶮厓挽詞

說法歸來後冥心味道真人天  
戶外屨華雨定中  
身白首全高節清貧到古人  
江湖久無泪為尔一

霑巾

盟鷗軒

客有忘機者開軒命白鷗  
同心如此水有約共滄  
洲爾性何其靜吾生亦若浮  
自今期歲晚風雨亦  
相求

對護堂

為愛對護堂看花樂未央  
阿彌今老大稚子已成  
行秀色宜春服微香近壽觴  
永言純孝者封植詎

能忘

煮雪齋

禪客嗜春茶銅餅煮雪花掃從松上落坐向竹邊  
誇水品應重錄天真孰等差中冷豈不美終是混  
泥沙

雨中觀荷

濯々雨中荷粼々花底波銅盤寫珠露雲錦落銀  
河泉客卷衣泣湘靈鼓瑟歌鷗翻兼鷺浴情致奈  
君何

廬山圖

送客出山去超搖步長松過溪聞嘯虎咲語荅踈  
鐘白日倏已晚清風殊未終九江遺秀色悵望香  
爐峰

次韻高尚朴初歸草堂

亂定吾猶在庭空草自榮憂時雙鬢白去國一身  
輕墟落人煙少關河野燹明田園半蕪沒無力倩  
人耕

京回次韻沈生

行見祠花簇歸當芍藥開路從天上去人自日邊  
來說法勞群聽承恩媿不才乍辭鳩鵲觀猶憶鳳  
凰臺

吳中行楚人居

見說幽居好分明在眼中人家溪左右風俗滾西  
東靜者柴門僻邨墟草徑通往來迷町疇物色認  
梧桐柳汊容書舫蘆洲隱釣筒留人菰米飯舫鴨  
竹枝弓疇昔遊觀盛名藩禮遇隆談兵資遠略說  
劍動羣公歎息知幾蚤歸休克令終養生兼蒔藥  
高興託冥鴻悵望江湖迴栖遲我輩同詩成渾想  
像于以咏高風

次韵魏守題韓園

名園新雨後禪館百花中苔徑紫紆入蘿龕窈窕  
通磬聲金殿月旂影石壇風良牧留深眷因茲悟  
色空

賞靜軒

雲竹澹相於深宜靜者居香飄晨梵合花落暮禪  
餘坐有高間客床留止觀書一身仍擾、何處問

吾廬

送人省親

政尔相從樂胡然賦式微言思倚門望夢逐白雲  
飛蟋蟀依苔井蠨蛸在板扉贈君五色綫歸補老  
萊衣

次韻荅伍公年二首

濁世佳公子前朝舊相門公侯今必復文雅道弥  
尊落日鄉心遠春風海氣昏閉門三日雨吟罷共  
誰論

解印辭河曲携家近碧山栖遲連草閣來往隔松  
關見我殊同調逢人只強顏相知仍恨晚談咲竟  
忘還

吳宮四時詞

柳色閭閻門霓旌拂曉雲湖邊采香罷就閱水犀  
軍

何處堪銷夏龍舟過洞庭誰歌采蓮曲江上越山  
青

金井落梧桐茱萸繞殿紅君王愛秋色多在館娃

宮

宮闕夜如何風飄宛轉歌更闌銀燭滅落月在江  
波

題畫

落日赤雲西青山照大溪草堂松樹下坐聽鶉鳩  
啼

一曲江南弄山長楚水遙江邊楊柳樹誰繫木蘭  
橈

雲氣曉蒼茫秋深草木黃霓旌下南浦云是楚襄

王

江水去悠悠蘧篔抱暮愁白頭垂釣者疑是渭濱  
叟

塞北多冰雪江南足稻粱相求應同類莫近艾如  
張

帝子下北渚江寒愁不歸空遺一卷石拂斷六銖  
衣

百鳥共春風相呼樂意同不知緣底事尔作白頭  
翁

有鳥名眷令在原飛且鳴人皆有兄弟唯爾獨多情

白鷺白於雪于飛在洲渚誰言我最閒正尔心獨苦

題紅梅墨梅

妙德清涼地春風駐翠華因陳三獻酒玉色絢晨霞

玉雪本清真無端染客塵秬應溪上月照我意生身

題虞侍講書白太傅八漸偈

香山居士八漸偈青城先生隸古書金龜琳琅殊可愛文章官伐摠相如白雲開士成都客同是青城故鄉陌天藻亭深翰墨香法雲地古天花白々雲悠々去不返橘樹彫傷坐成晚滿把空懷明月珠招魂誰洒雕胡飯古人事佛今人非二老風流今古稀大勝潮陽韓刺史晚因聞道却留衣

題高尚書九江暑雨圖

尚書畫山々龍巖九江秀色開森聳况當五月暑

雨交雲氣滄勃川光動五峰削出青如蓮綠樹仿  
佛聞霽援猶瞻謝眺青山宅不見米家書畫船何  
人出門面山立頭上烏紗翠痕濕誰喚山東李謫  
仙來觀瀑布三千尺于今戈戟亂如麻使我披圖  
一永嗟欲買沃洲歸共隱江山如此屬誰家

贈四明粥書單生

古人讀書手自寫今人藏書充屋椽牙籤插架不  
解讀何異愚翁工守錢單生持書入我室竹光落  
床亂緗帙居貧不能常得書為我借觀留數日昔  
在鄞江識單生于今白髮老于行明年倘有江船  
賣我欲從君覓論衡

柏子庭畫松障歌

高堂誰畫青松障越柏下筆開殊狀小枝交錯鐵  
不如大枝森竦斂相向筆驅元氣天為泣龍擘海  
水神俱王滄江風雨六月來白日雷霆九天上想  
當飛墨縱揮洒應遣酣歌助悲壯于時畫者亦有  
人栢也用意實豪放猶憶海虞山裏時往々見我  
索題詩豪練到手不暇擇爛漫圖寫寧復辭只今

風流已冥冥使我見之增歎愕况當木落秋氣悲  
撫事哀吟忽如昨烏乎柏子那復見蕭瑟淒風動  
寥廓應有松子僧前落

題岳陽樓圖

岳陽城南天下稀飛樓雉堞相因依雲連天闕象  
緯近水瀟瀟湘鴻鴈飛洞庭始波木葉赤元氣混  
茫天地白蛟龍出吟霧雨愁腸斷江南未歸客何  
人置酒樓兩楹定是昔年滕子京可憐風流已冥  
漠猶有文章遺令名君山翠黛秋可掃湘君歸來  
雲縹緲空向人間對畫圖十二螺鬟夢中曉

采蘭堂

去年采蘭：葉長今年采蘭：葉短秉芳欲寄路  
漫：國香零落風吹斷蓮華峰下采蘭堂永懷焦  
鏡不能忘上人開窓面山坐山水含暉吟謝郎三  
生誤落夫差國翠結瓊琚香不息目斷王孫遊未  
歸江南春草連天碧

劾飛廉

飛廉事紂債厥宗何自上天司八風噓枯吹生在



掌握竊美神柄貪天功四月五月旱大甚天地翕  
共方蟲、原田莓、赤如燎種不入土啼老農雨  
師鞭霆走群龍玄雲四合零雨濛胡為吹雲使消  
爍更鼓烈燄翻長空斯民焦勞亦何罪得不哀怨  
號蒼穹天雖處高聽甚聰汝敢迷罔斧爾躬天誅  
將加不可追殛死大荒誰汝恫

龍掛

白龍下天欲行雨赤日卷水江中央銀河東傾浪  
波接劍影倒射雲旗揚下民方憂涸轍鮒上帝許  
借天瓢漿龍來勸尔一杯酒平地水深三尺強

寒食省墓示諸姪

汀柳青黃野花白邨巷家、作寒食暖風吹送紙  
錢灰泪落春煙收不得邨西町疇溪灣路長記墳  
前白楊樹廿年不見泉下人有酒空澆樹邊土人  
言賢者有子孫我家兄弟今具存生兒莫斷詩書  
種繼尔長原忠孝門

飲綠軒

禦兒溪水綠於酒河酌未湏勞綆岳夜斟明月光

入懷朝洗落花香在手一瓢解盡全潮味萬斛倒  
寫縣河口共坐曾軒冰雪生向來煩熱今何有

題乘槎圖

秋風駕洪濤靈槎中蕩搖恍如乘舩天上坐帝青  
九萬無纖毫黃姑織女長相見歸來空記當時面  
至今海與銀河通何因再得相從容

題墨竹水仙

美人獨立瀟湘浦  
秋風生北渚  
手把琅玕江  
水深香瑤泣  
露愁痕古  
我有所思在空谷  
翠袖娟娟倚寒綠  
雲斷蒼梧殊未來  
月明長照魚鱗屋

題商德符山水

左山畫山延祐初  
山如何其佳有餘飛泉高挂白  
蝦蟆竒峰爛熳青  
芙蓉直疑齊東華  
不注又似塞北醫  
無問嗟哉好手不復得  
藏弄貴比英瓊瑤

題王弘邀淵明圖

江州刺史何為者  
載酒邀我廬山下  
乃翁在山不在酒  
解后寧辭為君寫  
遠公招之不肖留  
平生誰省王江州  
門前五柳至今在  
江邊桑樹水空流

題画馬

真龍矯空大群奚官孳來氣若雲黃金骨法頗  
清峻画者似是曹將軍駑駘高驤飽芻粟白駒轄  
下傷局促方今相者多舉肥莫畫權奇須画肉  
画師曾中有全馬三馬斯須生筆下中有一匹玉  
花驄侶是西來大宛者不群不食意氣豪羞與二  
馬同此槽使我見画三太息于今誰是九方皋  
皎皎白馬白於練首如渴烏目如電天閑麒麟人  
不見画師為我開生面圍人孳浴定昆池落花滿  
地驕不嘶青絲絡頭無一丈挽住萬里昆侖蹄  
前朝王孫善画馬筆跡不在曹韓下君看榻上玉  
花驄風骨權奇絕蕭洒却憶至元全盛時四十萬  
疋皆吾師崇天門下宣入貢太僕孳來親見之李  
君愛馬人莫比意氣相期論萬里千金買得真華  
留蚤晚騎之見 天子

贈駱自然代人作

駱生家在錢唐住正近曲江蘇小墓生來無目最  
善音自小學歌今獨步憶昔太平開樂府新聲傳

得宮中譜摩訶兜勒西域來子夜吳歌自風土一  
聲悲壯梁塵飛二聲激烈行雲低三聲四聲山石  
裂魑魅夜走猩：啼我來江上忽相見聽我履聲  
如識面殷勤道我攻詞章吾今衰也何由羨落花  
遊絲春寂々來前再拜當筵立為我揚袂歌一行  
滿堂聞之皆動色我本東西南北人如今天地盡  
風塵勞生觸事易成感使我泣下沾衣巾駱生駱  
生吾已老往事悠々勿復道已將身世等浮雲莫  
把新詞故相惱掩琴罷坐求我歌我歌哀樂何其

多人生百年能幾何駱兮駱兮奈尔何

有客

有客有客伊吾盧新除南臺行大夫天子許騎內  
廐馬百二十騎來東吳東吳驛傳稱過客館人致  
饋官僚趨來者宣驕居者傲賓主不復論歡娛固  
將橫榻表獨坐何意剝床仍及膚吾聞相見有僮  
介揖讓登降禮頗殊舊云三公禮數絕事不豫講  
寧非愚王綱淪胥廢風紀蠶楚橫加哀僕奴名藩  
豈無知禮者虧損國體非良圖

花塲

去年高秋洞庭客贈我兩株木芍藥手種東皋未  
泱旬紺芽怒長紅英坼今年春深花滿枝噓霞弄  
日相因依紅簇火城丞相至錦翻晴晝買臣歸當  
堦矜持顏色好使我行吟被渠惱看去還期到子  
孫歸來聊以娛吾老那知零落委泥沙雨咽雲愁  
共歎曉柳色鶯聲雖復在遊蜂戲蝶落誰家飄香  
墜粉無人拾遊夢妖魂歸不得種樹空思郭橐駝  
寂寞因悲洛陽陌草堂獨坐見秋風弥信吾家談

色空安得人間名畫手倩渠移入西圖中

世壽堂歌

君不見南陽菊水流浩々飲之令人長壽考又不  
見青城枸杞龍蛇形其人徃々多長生乃知草木  
有靈氣能與短世制頽齡君看張家世壽堂奕世  
載德應壽昌山川清暉近交映高曾白髮遙相望  
堂中老仙年九十雲霧衣裳冰玉質把筆猶堪細  
字書上馬不用傍人掖門前肅々來軒車堂上列  
坐講唐虞心將造物寄游行道與行雲時卷舒問

君何由乃能尔玉立易休有令子買臣富貴已專  
城魯侯歸來還燕喜流根之澤深無期既有孫子  
能書詩人間共愛德星聚天上寧無太史知彼美  
堂子深且古彼美人兮才甚武願持斯道壽國脈  
萬歲千秋奉明主

新墳行

南山崔嵬青入雲將軍取山新作墳方春迫民就  
工役路上白日無行人西家舊墳雙石馬一日驅  
來華表下東家翁仲今尚存一朝移來在墓門葵  
期日薄云最吉鷄鳴而作夜不息新墳已成舊墳  
毀舊鬼銜冤新鬼喜新墳舊墳無了期南山崔嵬  
終不移

送演藏主歸泐東

豫章老禪天下士今既無雙古誰比十年不見怨  
飛鴻幾度相思隔江水前年有書到空谷放在床  
頭百回讀至今散帙眼忽明時復看雲思相續上  
人新自泐東來曾侍生公說法臺注水本生天馬  
種鄧林還出搃章林春雨相逢又相別明日扁舟

異吳越君到双峰問我時為言舌在頭如雪

題碧山草堂圖送喜咲雲

中國有碧山扶桑有碧山碧山碧山隨處有是何  
人合栖其間上人何年辭海嶠每望白雲東向咲  
松枝西指月蒼涼歲晚天寒翠蛟叫有佛處不得  
住草堂更在雲深處碧山縣知不負吾一錫凌空  
窅然去

送僧歸日東

萬里求師踰絕海齒髮漸非心不改東土山川異

昔遊中朝師法今猶在故山弟子憶歸期摩挲西  
指蒼松枝南宗密印已親授莫道大唐國裏無禪  
師

張仲和放白龜

有龜有龜白玉質遵養時晦逢時出形軀雖小甚  
有神豈是吾人袖中物清流為國蓮為宮朝夕下  
上復西東廟堂中筭闕朽骨豈若曳尾於塗中張  
公放之殊不意涉波直與長川逝三十年間事返  
覆公今壽考身無事君不見以龜搯床足南方老

人壽千歲

落花歎

朝見紅白花莫見青葱樹不憇花落捲成泥但惜  
人生不如故滋蘭公子江南客再拜東皇留不得  
九州塵土浩茫々付與楊花作春色東溪塾老自  
忘機坐對落花吟夕暉猶聞葉上黃鸝語不信東  
家蝴蝶飛

閻驤雲壑圖

白雲冉冉生幽壑煙草芊眠春漠々繞屋樵櫛一

萬章排雲瀑布千尋落我家住在三江口山水娛  
人不知久空翠長霑几上書江花每落杯中酒主  
爵郎中非畫師有孫曰驤仍侶之君家鄆東那有  
此應寫江南寄所思

次韻懷譚訥夫

吳山巖々界空碧湖水春深好顏色芳草連天百  
鳥飛獨憐王孫歸未得驥垂兩耳愁空山駕駘高  
居十二閑黃鵠一去不顧返甬與雞鷺留人寰落  
花冥々閻南浦山水清暉浩無主先生豈不懷故



都舉世溷濁何須數渚有蘭兮江有離我思君兮  
來何時一春兩度夢中見是耶非耶空爾思

寬上人雲泉

白雲在天白於鶴下暎流泉相噴薄松上盈，不  
盡浮厓根決，無時落善利萬物得深潤還歛神  
功返冥漠傾湫倒岳意何如莫教濕却加沙角

題徐氏東園灌夫卷

我愛南州徐孺子灌園日在青山裏手種綠溪千  
樹飛落花出洞隨流水隴上輟耕仍讀書日斜猶  
是帶經鋤紫芝如掌誰能得黃獨為糧自足儲我  
欲相從拾瑤草洞庭始波春渺，寄書為問東園  
公勿復悠，橘中老

贈履生

鞮履之用尚矣名既非一制亦異度後世損益不  
稽於古惟華靡簡便是尚令其名物漫不可考烏  
乎豈獨履也哉彼東部之無底領軍之一屋又可  
資一喙也吾家衣履自有制度章式如律曰富羅  
曰亟縛屨皆今之履今或踰禮廢法蓋習俗使然

耳有識者所當戒也若高僧惠琳著屐升殿惠休  
一鞋三十年吾取焉履生王德華常從吾徒游為  
人修整頗有方外意趣所至優待輒加常工一等  
故賦此與之

吾行四方今老矣青鞋歸來或無底孺子可教來  
進履富羅加絢穩稱趾上山下山免去齒錫飛相  
從日千里惡用上公赤几未能免俗聊復尔吉  
貝裁成亟縛屐東臯與爾同生死

龍河

軒轅騎龍上天去潛却化作青蓮宮夫容香映師  
子空龍髯拔墮烏蹄弓世雄梵相開滿月帝釋寶  
網生虛空觚稜影落大江水金刹幡飄楚澤風相  
攸將作領大匠說法開山由太中豐碑屹立太湖  
石鴻文託載青城公金陵王氣方復音復西方象  
教弥尊崇商雲五色帝居近天樂六時華雨濛  
禪林東南今第一四海麟象聿來同懷人日月去  
如矢嗟我軒車來自東宿留少為十日住鋪寫擬  
費三年功六朝往事不可問自登高閣送冥鴻

鍾山

大江之南多名山鍾山秀出乎其間神龍蜿蜒露  
脊鬣長鱣鼉鱓饒爛斑上走恠石之揭嶰下有流  
水之潺湲禪宮據會制甚古帝闕密迹息常頌  
虛空闌楯寶公塔松竹儲胥圓悟關天生賢懿扶  
象教地設險峻防神姦雲車風馬來萬里象齒明  
珠奔百蠻山川靈氣自融結玄運徃復猶循環竭  
來說法奉明詔那有道德開天顏齋宮延問漏  
十刻杞菊賜饌覲百鍰茲山纔留四五日探討未  
得須臾閒草堂之靈應恠我移文勿遽吾將還

對雪

青天瑤林九萬里朔風吹花如剪水謝家女子強  
多才却道柳絮因風起凍雀無食愁奈何紇千山  
頭寒更多穆王八駿在何許千古空傳黃竹歌

題趙承旨畫中峯蓮華吟圖

老禪宴坐紅氍毹心如蓮華不著水信口試作蓮  
華吟聲落九州煙雨裏吳興學士開新圖集賢待  
制大字書天生三老仍並世解后一咲山如廬清

河先生好事者題封遠寄草菴下草菴老禪之子  
孫白璧明珠喜盈把嗚呼九原不可作蓮華如今  
亦冥漠踞湖山頂望江南青天飛來雙白鶴

題空同外史傳

空同外史天上来手把瑠編相與開雄文妙画兩  
殊絕翰林父子真天才玉堂清切何蕭爽晝靜不  
聞鈴索響獨許仙人王子喬緱山笙鶴時來往大  
篇短章不一書錦囊滿盛明月珠雨中十日讀不  
盡世上千年應更無空同之山在何處白雲流水

迷歸路翰林先生今廣成二百年同此住

為陳仲孚題薛公遠墨竹

前朝畫竹誰第一尚書高公妙無敵近世多宗李  
集賢房山真蹟那能得澹園學李殊逼真柳州半  
刺題銜新鷺山之虛况多竹畫品近來應入神東  
臯溪傍草堂小羅池廟前春雨早三千里外見此  
人玉立長身照枯槁石湖今有太丘陳孤竹春陰  
生子孫清風高節在封植知有王猷來款門

王有恒聽雨篷

江南雨多春漠漠，蘧篚中寬可淹泊。坐聽蕭瑟復  
琮琤，若在洞庭張廣樂。木蘭之楫青翰舟，斜風細  
雨不須憂筆床茶竈。便終日知我獨有滄浪鷗，廿  
年携書去鄉國。蕪城草深歸未得，援琴時作廣陵  
散。魚龍出聽天吳泣，江湖適意無前期。身如行雲  
隨所之，平山堂上看春色。還憶江南聽雨時。

行路難

天地無有邊，日月茫無涯。人於其間號最靈，胡乃  
不學坐自垂。飢食費糗黍，衣被絲與麻。古今一事  
皆不省，何異木石插齒牙。生者還復然，死者其奈  
何。萬二千，盡如此。令我起坐久歎嗟。

仙家近題劉阮圖

詞

白雲滿地迷行路，溪流百折無由渡。水上見胡麻  
有人雙浣紗，仙家知己近失喜。驚相問洞口碧桃  
開，即君何處來。

山中樂為沈東林題畫

詞

山中樂，白雲瑤草黃金藥。黃金藥，流霞片，共君  
斟酌。東林道士清如鶴，高情逸興將誰託。將誰託。

陶潛松菊謝鯤丘壑

送端上人遊江西

大江之西風氣殊山川脉絡連衡巫豫章傑出牛  
斗墟作鎮楚越開雄都九江匡廬最著萃五老離  
立朝香爐遠公自是天下士道德高風形畫圖馬  
駒踏人應竒識禪源流注四海隅靈蹤尚留宰堵  
石濁水如見摩尼珠無為上人東海客駿氣不受  
人招呼聿來求我欲贈語浮杯徑渡彭蠡湖我生  
塊獨處空谷欲往不可心煩紆子當努力事揮討  
莫學凡子安甌更秋風初見洞庭鴈落月更聽楓  
槁鳥行哉行哉慎勿踈向來人物何代無

次韻題南嶽圖

陽羨山中春鳥鳴百花競發千峰晴白雲生處是  
南嶽古木寒泉空復情洞庭相望波浩漾欲往不  
識山陰道為問南歸玉局翁買田築室吾將老

壽綵堂歌

春羅作衫花纂、衫袖宜長帶宜緩朝、日、在  
親前祇恐身長衣又短君家有堂人不如堂上有

琴仍有書花開酒熟意多暇賓客滿座爭歡娛况  
復親年猶未老黃髮相期同壽考故衣既敝又改  
為年々剪羅縫舞衣

奉上袁侍講伯長二首

時年十九

東南文獻復何人一代鴻文制作新華蓋星辰天  
密邇翰林風月地偏親夜分蓮炬歸螯署曉拂爐  
烟侍玉宸奕葉流光知未泯鳳毛能世掌絲綸  
於越山川賜履餘樞廷勲業重璫璣承家舊學三  
冬史閱世遺編萬卷書古調欲從更錦瑟高軒曾

過賦華裾文章自昔論原本擬就司衡問所如

附袁文清公荅詩二首

翠越經院多高人碧窓點翰五采新天機不受梁  
燕語逸興直與江鷗親羨君解衣浣流水媿我束  
帶陪禁宸屈指當今人物論從此有約同垂綸  
至人天隱樂有餘良玉不願為雕璣昂々磐石大  
坐相杳々歸鴈旁行書白蓮解結碧雲坐綠蕉不  
羨青葱裾道人緇經悟空假始信塵世非真如

送銘上人之京

江南初春雪載塗送爾作賓于皇都莫北遂空群  
騷裏海東生此真珊瑚中朝自古有師法開士只  
今多大夫萬古草奏明光裏陰翊王度如唐虞

湯氏義居

旌墨親題戶有眉吳人爭咏眷令詩君臣善貯丹  
砂藥兄弟相怡白髮期春巷燕栖交午木曉庭鶯  
轉合歡枝流傳美化君家始比屋連封見盛時

次韻趙尚書小瀛州省署軒名

鼇海晴分五色霞鳳池多隱列仙家黃封勅送宮  
壺酒青鳥偷銜御苑花雲閣春陰迎步輦月明秋  
影動歸槎君王舊聽尚書履回首銀屏隔絳紗

楊錢厓書画船亭

圖書滿船秋近河虹月夜貫滄江波周秦碑刻最  
近古崔蔡文章安足多常侯東壁玉花馬房相西  
亭雪色鴛先生愛翫不歸去援琴時作越人歌

次韻鄭明德題畫

披圖渾似武夷山坐我青溪九曲間萬頃白雲迷  
草閣一雙玄鶴守松關西峰隱者時相過東海仙



翁去不還霜後橘林金錯落雨餘苔石錦編爛登  
高體物猶能賦傍險誅茅亦可攀何待白頭空歎  
息便湏赤脚弄潺湲

次韻送張員外調選江西

御筆新除戶部郎舊乘駝馬向炎方風生使節占  
星象雲映朝陽下鳳凰把酒匡廬邀五老賦詩江  
閣繼三王九重虛佇思前席歸聽宮鶯繞建章  
江水春深蕩客衣皇華西去馬駝銓衡自任南  
曹重斧繡猶兼直指威下榻定留徐孺子臨江長

憶謝玄暉從容歸接鴈行舊諫疏頻煩達紫微

送王都事之閩

閩粵山川奠海糜將軍分閩鎮華夷幕中賓客三  
公掾楼下風雲五丈旗夾浦荔枝巢翠羽滿庭榕  
葉轉黃鸝願將聖主憂勤意說與東南父老知

送鄒弘道回江西

秋風嫋嫋錦帆開畫省仙郎此日回江表价藩雄  
楚粵幕中詞客重鄒枚妙年莫負從軍樂多難端  
須濟世才高閣卷簾看暮雨賦成不似仲宣哀

題焦元尚山水

淮陽先生愛画山下筆萬里須臾間既開金刹倚  
寥廓亦有綠樹臨潺湲竹間鳥啼春雨歇洞口花  
落晴雲間知君高志在丘壑著我溪橋相往還

送常道寧

繡衣使者愛清才江表秋風一鶚來曾掌圖書登  
策府又陪駝馬入蘭臺幕中婉畫須時出坐上清  
樽為客開况是會稽山水好題詩應上小蓬萊

送李德基之越

四明狂客今安在誰識山東李謫仙綵筆遍題吳  
苑樹錦袍初上剡溪船早茶入貢還分賜春筍登  
盤不論錢况是糾司公事少好山隨處有詩篇

早午歲感興

開極規模自有初舊章紛亂欲何如黃河疏鑿功  
何補楮幣更張術已疎西郡少年持國是中原文  
學滯公車河南寇盜由誰致天下兵戈遂莫除偃  
月堂深資鬼域伏波軍敗縱鯨魚百年人物閱衰  
盛一代經綸屬卷舒丞相出師應有表草茅憂國

豈無書疇能一吐平淮策為尔排雲謁 帝居

遣興次張翰林韻

漢主憂勤減膳頻誰令天下尚黃巾近聞李廣軍  
威振復道張騫使節新天意未忘清廟祀群雄休  
犯屬車塵史臣擬草河清頌還屬詞林第一人

秋興

溪上涼風吹早秋長空淡々水東流夫容露泣吳  
宮怨首宿煙連漢苑愁貢賦未全通上國王師近  
報下西州關山萬里同明月偏照詩人自白頭

喜晴偶題

今年陰多寒未回二月尚復雪皚々朝來始覺春  
意動溪上忽見桃花開東家蝶歸苦不早江南草  
深還可哀中原消息久已斷昔時英雄安在哉

謝惠橘

洞庭嘉實正離々滿樹黃金欲採遲香比陸郎懷  
去後霜如帚守寄來時開嘗直想千林晚包貢空  
含萬里悲江漢風塵愁路絕食新聊得一開眉

次韻遊石湖五首

闔閭城西佳氣深青天翡翠斷千岑臺荒不見麋  
鹿迹日落空聞樵牧音吳王宮殿絕壁下隋朝城  
鄙清湖陰登高弔古意不盡唯有沙鷗知我心  
楞伽山如九疊屏何年截取匡廬青方同楚客賦  
招隱不學詩人吟采苓僧蹊盡種苾芻草梵夾徧  
寫多羅經諸天只在雨華外音樂六時來窈冥  
黃山高人之所居金沙花明白石渠無錢愛養方  
外客有人嬾讀人間書采來青苗搃堪食種得黃  
精還可儲郭西十里不一到題詩為問今何如

近聞移居湖水頭蘭若下瞰滄波流獼猴夜偷錫  
杖去鷗鳥日傍闌干浮揚州月照五湖白洞庭木  
落三山秋相望只隔半江水安得贈之雙佩鈎  
豫章禪伯最能詩定水匡床面曲池騷裏來從西  
極道鳳凰借得上林枝曇華不比人間色天女元  
非世俗姿忽把瑠瑰驚十載淞江東望慰深思

寄才叔能

愛爾文章今擅場天孫飄墮錦機張海東若道無  
竒士僧內何為有此卽櫻菹新薦憶相別橘子初

黃頌寄將震曹湖邊讀書處向來弟子總升堂

龍興寺思橘軒

橘子熟時天雨霜翰林曾宿賞公房只今縱有黃  
金寶安得登之白玉堂作頌向來悲楚客題書何  
處覓韋郎孝思喜有文孫在猶解開軒詠不忘

贈譚訥夫

江南專制屬元臣共喜群賢拜命新多難政須弘  
濟士字民當用讀書入東風庭院鶯花曉白日衣  
裳錦繡春臺閣欲求三語掾非君誰可繼清塵

贈袁仲章

吳江城郭太湖東鄉郡新除用武功班秩政同唐  
六品世家曾拜漢三公一簾紅雨清明候百轉黃  
鸝綠樹風知爾本無軒冕意見人渾與舊時同

七夕

天孫不嫁惜娉婷此夕新粧翳翠鞦銀漢浪傳烏  
鵲影錦機飄下鳳凰翎張生搓動秋應返柳子文  
成夢未醒老矣不爭兒女巧敢將詞筆累仙靈

過石湖懷心覺元

湖波搖曳木蘭舟山翠霑衣濕不收浩蕩群漚回  
白日虛空一塔傲清秋早春曾過松間寺此日空  
瞻鶴外棲最愛叅寥好詩句風蒲藕葉滿汀洲

送人遊越

二月雨多春水生放船去作越中行沙鷗見慣渾  
相識野鶴逢將亦不驚禹穴桃花千洞曉若耶楊  
柳一川明江山信美非吾土况聽長松杜宇聲

書吳尹張德常恤民卷

閒居林下聽風謠淨誦即官惠愛饒勸課不教遺  
赤土苛征無復到青苗獄詞善用春秋斷鳧鳥宜  
從朔望朝應有文章書政績吳山高處刻瓊瑤

雙鳳清遠堂

因讀朱桓清遠記知有祇園清遠堂華雲時到五  
天竺梧月曾栖雙鳳凰曲檻彈碁春晝永疎簾散  
帙午風涼欲題好句渾難覓除是高僧俗姓湯

謀仲謨挽詞次謝彥明韻

靈輻拂曉出門時忍聽長歌難露詩地下備文知  
浪語天宮說法忘歸期燕窺舊幕疑空榻魚泳新

荷樂故池靈運向來曾入社一篇哀挽有餘悲

贈王主簿

簿領勸農出鄆西桑麻原隰綠陰齊吟殘三月桃花雨蹋遍千邨燕子泥陶令喜尋廬岳社杜陵甘老浣花溪欲知惠愛深多少處處春風布穀啼

東臯晚望

江虹截雨：脚斷秋色盡在西南陸洞庭若在五湖外長空洗出雙峨眉占城稻熟歲字埧日及花開田姥籬杉根倚杖日將夕寒風落木牛羊來

苦雨懷東臯草堂寄如仲愚

四月淫雨寒淒迷邊軍夜歸聞鼓聲大麥漂流小麥黑富家歎息貧家啼書囊留滯北山北草堂故在西枝西焚香掃地蚤閉戶莫遣袈裟沾燕泥

過袁仲章

短檝相將采白蘋落花如雨正霑巾為懷公子金蘭契更愛郎君玉樹新菜把每供煩地主酒盃先酌敬鄉人却愁侯吏催行馬春水無由接釣緡

送陶元庸之越

吳越山川一水分，總戎今屬李將軍。  
旌旗影動鼉鼉窟，鼓角聲連席豹群。  
徼外蠻夷來送款，幕中賓客總能文。  
想君禹穴題詩處，長向姑蘓望白雲。

次韻開元石鉢

磨礪圭角象天圓，佛手親持不計年。  
乞食屢經祇樹下，降龍因落滬川邊。  
懸時寒暝當窓竹，洗次遙分卓錫泉。  
神物護持希世寶，故遭劫火至今傳。

題邵義仲詩集

每誦新裁樂府詞，歷觀群製副深期。  
蘭苕翡翠春風後，碧海珊瑚夜月時。  
吳下篇章誰最好，杜陵才力晚尤奇。  
何由一鼓滄江柁，春水相從詠竹枝。

次韻竺隱和尚朝京二首

赴召共承宣室問，還山同罷紫宸朝。  
誓扶佛日行黃道，敢望皇恩下赤霄。  
長空東去濤逾險，大火西流氣尚驕。  
歸去自期唐嬾瓚，功名總付霍票姚。  
紫陌朝天候曉涼，加沙何事筵鷓行。  
玉盃激灑行椒酒，金盃清涼送蔗漿。  
西掖梧桐秋更碧，內園仙果露猶香。  
客星漸散江湖遠，萬國重瞻佛日光。



發金陵

大船浮江，水清中流，蕩槳駕鸞鳴楚雲，無情自  
西去。吳山不斷，來相迎。坐依北斗，近人白臥，見河  
漢當空，橫舟中有客。且勿語聽我竹枝歌。月明

次韻荅沈行恕 京回之作

客舍春寒，樹影稀，青山迎我入。玉畿雲開，雉堞  
瞻金榜，日射龍章。識袞衣御果，近從仙苑，賜天花  
多。傍講筵飛。聖恩特許，兼旬住，携得香烟滿袖  
歸。

次韻張叔平

有香難返九泉魂，升濟惟馮化佛尊。望拜畧同郊  
祀禮，祝詞親出內廷門。緇黃兼暢唐風盛，王霸  
相叅漢制存。歛福錫民精意享，西來紫氣滿乾坤。  
京華雖好，只懷歸，生怕緇塵化素衣。因覽山川尋  
古迹，莫占星象動天威。水深不惜浮杯渡，髮短何  
勞待日晞。解道江南佳麗地，詩家今有謝玄暉。

次韻道行可清明雨

風雨蕭蕭，夜向晨，清明都付寂寥。濱吹殘野，外無

窮柳消盡江南大半春  
臨水桃花還有浪銜泥燕  
子不生塵匡床坐穩渾慵起  
賴得同人語咲頻

寄上竺日章和尚

時在京師

年踰七十歎衰翁  
足不良行耳又聾  
無復白間聽夜雨  
每因黃落識秋風  
有時百步三回坐  
何日孤燈一咲同  
想見朝回多論述  
天華飛落研池中

酬曾明府十章

茂宰題詩寄草亭  
遠煩白鶴下青冥  
彩毫落紙留鴻又  
貝錦當窓織鳳翎  
百里仁風隨化雨  
兩章秋月映華星  
林僧溪友爭傳寫  
擬向青山共勒銘

次韵虎丘

有客題詩海涌峰  
高懷渺託冥鴻句  
吳伯業荒烟外  
梵塔觚稜杳靄中  
石坐千人庭可月  
劍埋三尺水還風  
目前無限登臨意  
古木蒼籐叫郭公

次韵寄径山以中和尚

山川樓觀總丘墟  
雙徑還成化佛居  
四海重脩輿地志  
群龍仍護梵天書  
堊猴供筆詩成後  
玉女焚香定起餘  
大覺昔承天子詔  
解知山體木如

東南地望絕尊榮國一重來更有情一院秋風簷  
蔔老滿山春雨苾芻生它方弟子來傳法上國公  
卿盡慕名隨處花雲圍燕坐予生自愧老于行

次張士行草堂韻

西枝草堂西復西山回谷轉路多迷蜜蜂出戶櫻  
桃發桑黠連村布穀啼自起開門留野鶴誰能立  
馬候朝鷄經時不到雲深處雉子將鷓鹿有麋

古香堂

古香堂中古仙伯手種桂樹今蒼々遠分靈種自  
月窟靜愛天香來帝傍喜賓列坐綠承宇稚子讀  
書花滿床唐諸王孫在何許且對小山歌斷章

沈氏積善堂袁文清門人

翰林賓客散如雲積善于今喜有君背部堂成因  
舊扁傳家書在足前聞屋山雨過鳥尤好池上風  
清鶴不群我亦袁公門下客題詩三歎感斯文

東臯雜興

三高祠西湖水東浦口水與長橋通人言此中可  
避世來結茅齋如已公

茅齋政在溪水西水邊楊柳拂人低溪童蕩槳唱  
歌過驚起月中鳥夜啼

江雨霏：梅子黃田家盡室治田忙青裙携餉誰  
家婦赤脚踏車傍舍郎

踞湖山南湖上村古跡往：至今存若道士風不  
好義何得此有分金墩

夫椒風卷太湖波句踐兵來踏浪過野老不知亡  
國恨至今猶唱越人歌

吳山避暑在山陰水殿風生白苧吟楚草荒煙那  
復識空留遺恨到如今

館娃宮殿鎖煙霏曲徑香消草露晞疑是春魂猶  
未滅寺門花落雉朝飛

范蠡功成愛五湖空煙猶想曉蓮孤從知鳥喙難  
同樂不待君王賜屬鏤

蚤起開軒看洞庭天河新染玉痕青釣絲拂著琅  
玕樹拾得煙中翡翠翎

吳江夜泊

月照門前蘆荻花繫舟不省是誰家一隻白鷺忽

飛去水上有人彈琵琶

吳山曉行

草露冷三著屐行野橋村巷不知名  
長庚如李天將曙始聽荒雞第一聲

寄崔宗文

閒齋春樹晚陰移  
舊雨曾來獨尔思  
錄事官清常俸薄  
多時不送草堂貲

寄賈吉甫

垂虹亭下白鷗波  
十里香風散芰荷  
見說掾曹公

事簡晚涼携酒聽漁歌

次韻荅友人

却埽溪西舊草堂  
秋風落葉滿藜床  
石田租重齋儲少  
乞我家傳辟穀方

為許克謙題畫

江漢蕭條落木秋  
疎篁相倚小山幽  
知君肥遯非充隱  
方信人間有許由

雜題畫

目極江南有所思  
餘不風雨落花時  
錢郎應恨春

歸盡獨倚東風寫折枝

錢舜舉折枝

隴上輟耕春雨餘牧兒黑色短裙裾只疑李家歸  
田去牛角胡為不掛書

牧牛圖

帝子南征竟不還墨雲零落九疑山偶因碧草牽  
春夢得到瀟湘二水間

墨蘭

憶昔涪南獻荔枝美人宮裏一開眉勞民輕結當  
時怨看画深令後代悲荔枝

飛錫來從日本東受齋因過海王宮坐中貌得珊  
瑚樹猶帶蓬萊水殿風

日本僧竹石

尚書天上蚤知名長憶君王聽履聲回首白雲山

萬疊蒼梧何處最關情

高房山之水

鳳毛新沐翠氈春近瀛洲雨氣酣晚下紫微歸

思切長身獨立望江南

同上竹

五馬浮江一化龍卽邪王業藉諸公江南春草年

五馬圖

年長若箇能追萬里風  
何人画此好頭赤絕勝天廐玉連錢龍媒散落在

何處首蒼秋風生莫煙

此馬真從西域來圍人高鼻復于思將軍新受征

南鉞藉尔追風百戰才

故國江山入暮秋煙波留與後人愁古今不預興

亡事只有滄浪獨釣舟

李唐山水

五馬南來王氣空石城江水動秋風客兒豈是忘

機者欲向東林結遠公

廬山圖

夢入梨雲路不分幽香多在定中聞起來寫得橫

窓影寄與山中滿谷雲

表上人梅

羅舍宅前春水生一柱觀頭黃鳥鳴吳船多上荆

門路我欲目之萬里行楚山圖

春水微生雪乍融偶然行過御溝東倚風三弄曉

華瑄憑仗飛花莫惱公

海棠枝上聚么禽相逐相呼樂意深偷入太倉時

一飽豈知鳴鶴在高林

海棠偷倉

漢家新得蒲梢馬賜與韓嫣太出遊綠樹黃鸝忽

驚起金丸飛落殿西頭

挾彈圖

越柏画松、露骨老龍怒拔靈湫立天地一夜飛

辟歷月落庭空影千尺

子庭松柏

孔明廟前江水深千載尚見柏森、越僧西行不

到蜀何以寫得青銅陰

荅彌仲綸

寶地珠林隱白沙曾隨行客過柴車遙想故人開  
梵處耗華雨落袈裟

江東紙價近能高詞客春來興倍豪老去才情渾  
短盡空勞雪繭到東臬

與陶生

我有青山一片霞倩君為我製袈裟明朝天上講  
經去吹落湍身優鉢華

寄竺隱和尚

兩街都錄有司存共喜吾家得辨臻輔教有書勤  
獻納洗光佛日荷 堯仁

白雲丹井經行處龍護生公夜講臺還憶兩山羣  
弟子松枝西指望歸來

寄大璞和尚

對御經筵日開香雲長繞兩華臺百官殿上齊  
彈指再見天台智者來

六十餘州舊化風流傳今復到江東龍蟠虎踞京



華地聖主重興佛隴宗



